

Ndebele God's Simple Plan

ITastamende Elitjha

Boke abantu bonile bakude khulu nephazimulo kaZimu. KwebeRoma 3:23

Umvuzo wokwenza isono kukufa; kodwana isipho somusa wakaZimu sikuphila okungapheliko ngoKrestu Jesu iKosi yethu. KwebeRoma 6:23

Njeke ukuphuluswa kwenu ngokukholwa kuya ngomusa wakhe. Akuyi ngokulinga kwenu, kodwana kususipho sakaZimu. Akuyi ngemisebenzi yenu, akakho noyedwa tere ongazibuka yena. Kwebe-Efesu 2:8-9

"Kodwana umthelisi wajamela kudanyana, wabe wabhalelwa nakuqala ezulwini. Wazibetha isifuba wathi: 'Zimu, ngirhawukele, mina soni!' Luka 18:13

Ngombana uZimu walithanda kangako iphasi, wabe wanikela ngeNdodana yakhe ekukuphela kwayo, khona kuzakuthi kiloyo okholwa ngiyo angabhubhi, kodwana abe nobuphilo obungapheliko. Ngombana akakathumeli iNdodana yakhe bona izokwahlulela iphasi, kodwana uyithumele bona ihpuluse iphasi. Jwanisi 3:16-17

Ukulingwa koke esenidlule kikho, ngikho lokho okufikela abantu boke. UZimu uthembekile, angekhe avume nilingwe ngaphezu kwamandla wenu wokuqiniseka. Kuthi lapho nifikelwa sikhathi sokulingwa, uyonipha amandla wokuqiniseka, anikhombise nendlela eniyophunyuka ngayo, ze nikwazi ukunyamazela. 1 KwebeKorinte 10:13

Ngombana ngineqiniso lokobana akukho okungasehlukenisa nethando lakaZimu. Sengitjho ukufa nanyana ukuphila, sengitjho iingilozi nabanye ababusi baphezulu, namandla asemkhathini, sengitjho isikhathi samanjesi nesizako, sengitjho nalokho okuphezulu esibhakabhakeni namtjhana okungaphasi kwephasi, sengitjho nekubunjweni,--koke akunalitho okungasihlukenisa nethando lakaZimu, elingelethu ngoKrestu Jesu iKosi yethu. KwebeRoma 8:38-39

Ngombana uKrestu usigcino somthetho, ze kuthi loyo naloyo okholwa nguye, afumane ukulunga kuZimu. KwebeRoma 10:4

Ngombana uthi: "Ngikuzwile ngesikhathi esifaneleko; ngakusiza ngesuku lephuluso." Yelalani, sekusikhathi esifaneleko, kwamambala "sekulisuku lephuluso." 2 KwebeKorinte 6:2

Kuthe bona abantu bakwizwe lokhu, bahlubayela emoyeni kwamambala, bathi kuPitrosi nabanye abapostoli: "Alo-ke, bazalwane, sizakwenza njani na?" UPitrosi wathi kibo: "Tjhugulukani ezonweni zenu, omunye nomunye wenu abhabhadiswe ebizweni lakaJesu Krestu, khona izono zenu zizalitjalelwa; nimukele isipho esivela kuZimu, esinguMoya oCwengileko. Izenzo zabaPostoli 2:37-38

Nambathe ubuntu obutjha obubunjwe butjha bafuza uZimu, nikhambe ngokulunga nekucwengeni kwequiniso. Kwebe-Efesu 4:24

Njengombana kutloliwe bona: "Akakho noyedwa tere olungileko. KwebeRoma 3:10

Isono seza ephasinapha ngomuntu oyedwa, kwathi isono sakhe saletha ukufa ebantwini, kwathi ngokunjalo ukufa kwehlela ebantwini boke, ngombana boke abantu bonile. KwebeRoma 5:12

Kuthe siphelwe mamandla singanasizo, uKrestu wafela thina zoni, ngesikhathi uZimu ambekele sona. KwebeRoma 5:6

Kodwana uZimu usibonisile bona usithanda kangangani, ngokobana sisesezizoni uKrestu wafa esikundleni sethu. KwebeRoma 5:8

Ngobucwenga bayo bezulwini yabonakaliswa ngamandla amakhulu bona yiNdodana kaZimu ngokobana ivuswe kwabafileko. KwebeRoma 1:4

Siyazi nokobanyana uKrestu wavuswa kwabafileko, angekhe abuye afe godu, nokufa akusenawo amandla kuye. KwebeRoma 6:9

Ngombana lokha nawuvumako ngomlomo wakho bona uJesu uyikosi, ubukholwe ngehliziyo yakho bona uZimu wamvusa kwabafileko, uzophuluswa. KwebeRoma 10:9

ngombana: "Loyo ozako kuSokulunga azobawa isizo, uzaphuluswa." KwebeRoma 10:13

Ngombana ngineqiniso lokobana akukho okungasehlukanisa nethando lakaZimu. Sengitjho ukufa nanyana ukuphila, sengitjho iingilozi nabanye ababusi baphezulu, namandla asemkhathini, sengitjho isikhathi samanjesi nesizako, sengitjho nalokho okuphezulu esibhakabhakeni namtjhana okungaphasi kwephasi, sengitjho nekubunjweni,--koke akunalitho okungasihlukanisa nethando lakaZimu, elingelethu ngoKrestu Jesu iKosi yethu. KwebeRoma 8:38-39